

MAHALLIY BOG 'LAMNING TURLARI.

Siyob Abu Ali ibn Sino nomidagi

Jamoat salomatligi texnikumi

YUSUPOVA IDRISAXON BAXTIYOROVNA

Annatsiya : Ushbu maqola mahalliy bog'lamning turlari turlari , bu borada olib borilayotgan ishlar , bog'lam bemorlarga nima uchun kerak ekanligi haqida malumotlar beradi.

Kalit so'zlar : mahalliy bog'lam , qorin va chanoq bog'lami , vilpo bog'lami:

Abstract: This article provides information about the types of local ligaments, the work being done on them, and why patients need them.

Keywords: local ligament, abdominal and pelvic ligaments, wilpo ligament:

Аннотация: В данной статье представлена информация о видах местных повязок, работах, проводимых в этом направлении, и для чего нужны повязки больным.

Ключевые слова: местная повязка, брюшная и паховая повязка, повязка Вельпо:

Shikastlangan qo'l tirsak ko'tarilgan holda qo'l panjalari sog' yelka ustiga qo'yiladi. Bog'lam ikki yo'nalishga ega bo'lib, kasal tomondan qiyshiq holda shikastlangan yelka ustidan o'tadi. Birinchi bint turi sirkulyar bo'lib, qo'lni ko'krakka mahkamlaydi va sog' tominning qo'ltig'idan o'tadi. So'ngra orqa sathdan shikastlangan yelka ustiga yo'naltiriladi. Ikkinchi tur kasal yelka usti sathidan, yelkaning tashqi tom onidan tirsakni aylanib o'tadi, so'ngra qiyshaygan holda qaytib, sog' tomonning qo'ltig'iga o'tadi va birinchi sirkulyar bog'lam ustidan chiqadi. Bint turlari bir necha

marta, to qo'l mustahkamlanguncha davom ettiriladi. Bu bog'iam ko'krak bezi olib tashlanganda va yelka chiqishi qayta tiklanganda ishlatiladi.

Qorinning yuqori qismiga oddiy spiral bog'lam qo'yish mumkin, pastki qismidagini esa albatta songa mustahkamlash kerak bo'ladi. Boshhoqsimon bog'lam. Chanoq, chov sohasi, oraliq va chanoq-son bo'g'im iga har xil turdagi boshhoqsimon bog'lamlar qo'yiladi. Bu bog'lam lar chov va son churrallari bo'lganda, chanoq-son bo'g'implari kasalligida, kuyishda, shikastlanish, yallig'lanish jarayonlarida ishlatiladi. Chanoq sohasiga qo'yiladigan bog'lam.

Avvalo qorinning pastki qismi sirkulyar bog'lam bilan berkitiladi, so'ngra sonning yuqori qismini, dumba sathini, sonning tashqi yuqori qismini va chov sathini qoplaydi. So'ngra sirkulyar bint bilan qorin sathiga bog'lam mustahkamlangach bint teskari yo'nalishda, orqadan oldinga, sonning yon va oldingi qismiga chov qismidan o'tib, bog'lamlar bir-biri bilan kesishadi. Bog'lamni chanoq oldidan o'tkazib, qorin atrofi aylanib o'tiladi va yana chov sohasidan qaytadi, bu bint yo'nalishlari ikkinchi va to'rtinchi turlar ustidan o'tadi. Bintlarning bir-birini kesib o'tishi bir joyda bo'lsa, unda boshhoqni eslatadi. Ikkala chov sathiga bog'lam qo'yish ham xuddi shunday bajariladi. Boshhoqsimon bog'iamdan chot oralig'iga qo'yishda ham foydalanilsa bo'ladi, ammo orqa teshik ochiq qoldirilishi kerakligi uchun birmuncha qiyinchilik tug'diradi. Bu bog'lamni qo'yishda bint turlarining bir-birini kesib o'tishi qat'iyan medial holatda bo'lishi lozim. Bint turlarini asta-sekin yaqinlashtirib oraliq berkitiladi. Bu sathni bog'lashda sodda va tez bajariladigan bog'lam «T» simon bog'lamdir.

U kam material talab qiladi va tez bajariladi. Bintning bir turi bel atrofida kamar ko'rinishida sirkulyar aylantiriladi va bog'lanadi. So'ngra ikkinchi bint bog'lami chot sathiga perpendikulyar holda bel atrofidagi bog'lamdan oldindan orqaga aylantirib o'tiladi va oraliq berkitilib, orqaga birinchi tur bog'lamga bog'lanadi. Q o'lni bog'lash. Bitta barm oqni bog'lash. Bog'lam kaft ustida mustahkamlaydigan doira o'ram lar qilishdan boshlanadi. So'ngra bint qo'l panjasining orqasi osha barmoq uchiga qiyshiq holda yo'naltiriladi va shu yerdan pastdan yuqori tomonga barmoq asosigacha

spiralsimon bog'lam qilinadi, keyin qo'l panjasining orqasi osha kaft ustiga keltiriladi, bu yerda mustahkamlovchi sirkulyar o'ramlar qilinadi.

Ba'zan boshni bog'lashda kosinkaga o'xshagan bog'lam ishlatiladi. Ko'z soqqasini operatsiya qilganda yoki ko'zning og'ir kontuziyasidan keyin immobilizatsiya qilishda ishlatiladigan bog'lov - bir ko'zni bog'lash yoki ikkala ko'zni bog'lash xillari mavjud. Yaxshi qo'yilgan bog'lam ko'z soqqasini ezmasdan, bog'lam ostidagi salfetskani mustahkam ushlab turishi kerak. Bu bog'lamda quloqlar ochiq qolishi kerak. Bog'lam avvalo kalla atrofiga sirkulyar qo'yiladi, keyin boshning tepa sohasidan ensa-kallaning orqa qismidan, quloqning pastki tomonidan yuzgao'tadi va u ko'tarilib ko'z soqqasini berkitadi. Bu bog'lamda sirkulyar hamda yuqoriga ko'tariluvchi bog'lamlar ketma-ket qo'yiladi. Ikkala ko'zni berkitish uchun bint aylantirib o'rab mustahkamlangach keyingi o'ram a bosh tepasi va peshona bo'ylab pastga tushiriladi va yuqoridan pastga tomon chap ko'zni berkitadigan qiyshiq o'ram qilinadi, so'ngra bintni ensa orqali o'tkazib, pastdan yuqoriga tomon o'ng ko'zni berkitadigan qiyshiq o'ram qilinadi. Buning natijasida bintning keyingi hamma o'ramlari qanshar sohasida kesishib, ikkala ko'zni berkitadi va tobora pastga tushaveradi. Bintlash oxirida bog'lam gorizontal doira shaklida o'rash bilan mustahkamlanadi.

Qattiq yoki ushlab turuvchi bog'lamlar shikastlangan joyga osoyishtalik berish va ehtiyotlash uchun ma'lum muddatga ishlatiladi. Bu bog'lamlar bo'g'imlar shikastlanganda, suyaklar singanda hamda suyak sili kasaliga chalingan bemorlarda bajariladi, ular bir joydan ikkinchi joyga bemorni transportirovka qilishda hamda davolash uchun foydalaniladi. Suyak va bo'g'imlar operatsiya qilinganda, ularning butunligi buzilmaganda ham bu bog'lamlar ishlatiladi. Qattiq va ushlab turuvchi bog'lamlarga odatda standart shinalar, qo'l ostidagi ushlab tura oladigan materiallar, protez va ortopediya apparatlari kiradi.

Foydalanilgan adabiyotlar :

1. А.Воицев «Тери-таносил касалликлари». Бичими 60х90 1/16. 20 б.т.

2. Н. Абдуллаев., Х. Каримов., Б. Ирис^улов. «Патологик физиология».

Бичими 60x90 1/16. 40 б.т